



## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

II. Volrad, Bischof zu Brandenburg, verleiht der Domkirche zu Budissin einen Ablass, am 2. Februar 1298.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

II. Volrad, Bischof zu Brandenburg, verleiht der Domkirche zu Budissin einen Ablass,  
am 2. Februar 1298.

Volradus, dei gracia episcopus Brandenburgensis ecclesie — cupientes —, quod ecclesia conuentalis et parrochialis in Budesin a Christi fidelibus congruis honoribus frequentetur, omnibus vere penitentibus et contritis, qui in festis patronorum dicte ecclesie, hoc est sancte Marie virginis, sancte crucis, sancti Michaelis, beati Johannis baptiste, sanctorum apostolorum Petri et Pauli, Andree et Jacobi, sancti Georgij martiris, sancti Nicolaj confessoris, beate Marie Magdalene, sancte Catherine virginis ac beate Elizabeth et singulis diebus dominicis et festiuis cum nouem leccionibus peractis, nec non per octauas sanctorum ac festorum, in anniuersario prenotate ecclesie simul cum dedicationibus altarium singulorum, ad eandem ecclesiam deuote conuenerint, siue de suis facultatibus ad structuram eiusdem ecclesie fuerint elargiti, nec non et hijs, qui processionem sextis ferijs a canonicis sepedicte ecclesie ob reuerentiam beate virginis cum antyphona salue regina consuetam deuote obseruauerint, ac sabbatis in missarum officiis ad altare eiusdem beate virginis presentes extiterint, nos de omnipotentis dei misericordia et beatorum apostolorum Petri et Pauli, nec non ecclesie quam nobis dominus tribuit, auctoritate consili quadraginta dies et karenam de iniuncta sibi penitencia misericorditer in domino relaxamus, dummodo dyocesani loci accedat ratihabicio et consensus. Datum Budesin, anno domini M<sup>o</sup>. CC<sup>o</sup>. XC<sup>o</sup>. VIII<sup>o</sup>., in die purificationis, pontificatus nostri anno secundo.

Aus Köhler's Cod. Lus. sup. 1, 337.

III. Der Rath zu Spandow gründet 20 Fleischercharren und setzt die davon zu leistenden  
Abgaben fest, am 30. Mai 1302.

Cum rerum gestarum certissima representatio sit scriptura, que de verborum serie redactorum in ipsam neque minuit neque mutat; Hinc est, quod nos consules civitatis Spandow recognoscimus et tenore presentium publice protestamur, quod de communi consensu et voluntate civium uniuersorum edificauimus XX macellas carnicum, de quibus carnicifera dicte civitatis XII talenta Brandenburgensis monete, sicut prius de XXIV macellis annis singulis erogabunt, promittentes eisdem carnicifera, quod plures macellas non edificabimus in eorum detrimentum et gravamen. Has autem macellas dicti carnicifera et omnes successores eorum in tali officio vendere possunt, si necesse habuerint, et eisdem jure hereditario cum suis heredibus possidebunt. Hos autem denarios siue censum in hunc modum dabunt, in vigilia nativitatis Christi tria talenta, in vigilia pasche tantum, in vigilia nativitatis beati Johannis Baptiste tantum, in vigilia beati Michaelis tantum. Si autem carnicifera hunc censum in terminis prefatis non dederint, tunc magistri eorum claves de macellis illorum, qui non dederint consulibus presentabunt, quousque de tali censu siue pecunia et damnis inde perceptis satisfecerint competenter. Vt autem hec nostra promissio et ordinatio a nullis nostris successoribus infringatur et a memoria hominum, que fragilis est, non evanescat, eisdem prefens scriptum contulimus in testimonium predictorum, nostri sigilli munimine roboratum. Hujus rei testes